

Malam Ang Pau UMSKAL 2014 meriah

NST 4.3.2014 6

LABUAN : Malam Ang Pau (APN) 2014 Universiti Malaysia Sabah, Kampus Antarabangsa Labuan (UMSKAL) berlangsung dengan meriah dan berwarna warni.

Majlis yang diadakan di Dewan Konvensyen Kompleks Ujana Kewangan Labuan, malam Sabtu lalu dirasmikan oleh Ahli Dewan Negara, Senator Datuk Yunus Kurus merangkap Pengerusi Majlis Penasihat Perbadanan Labuan.

Turut hadir isteri Yunus, Datin Dg Pungut Abd Jalil, Pengarah UMSKAL, Prof. Madya Dr. Ismail Ali, Steven Hwa Cheng Niong yang mewakili Presiden Dewan Perniagaan Cina Labuan, Datuk Wong Kii Yii, Ketua Kampung Sungai Keling, Seah Keat Leong, Penyelaras Program Ooi Ai Yee dan Teong Khan Vun serta Pengarah Program, Trevelyan Lim Xhing Pinq.

Hadir sama Dekan SSIL, Prof Madya Dr Ag Asri Ag Ibrahim, wakil Dekan SPKAL, Rushdan Yason dan wakil Bahagian Hal Ehwal Pelajar, Nur Iman Reedzal.

Program tersebut dimeriahkan dengan pelbagai persembahan termasuk 24 gendang dram daripada Sekolah Menengah Yu Yuan Sandakan, tarian naga, tarian singa,



RASMI... Yunus (empat kiri), Ismail (dua kiri) dan Steven (lima kiri) memotong riben sebagai simbolik perasmian malam ang pau UMSKAL 2014

nyanyian, wushu dan silap mata serta cabutan bertuah.

Ketika berucap Yunus berkata APN merupakan satu program yang dianjurkan oleh pelajar UMSKAL pada setiap tahun untuk merapatkan hubungan pelajar universiti dengan masyarakat tempatan di Wilayah Persekutuan Labuan.

APN 2014 merupakan tahun Kuda mengikut Kalendar Lunar Cina yang membawa maksud semangat bersendirian dan kebebasan dan juga merupakan salah sebuah tahun yang begitu hebat jika dibandingkan den-

gan kesemua zodiak yang ada.

"Melalui Ang Pau Night ia dapat menyatukan semua ahli masyarakat dengan konsep 1Malaysia dan program ini menjadi salah satu contoh yang cukup bagus," katanya.

Sementara itu, Dr Ismail berkata program-program seperti ini adalah amat digalakkan supaya semua pelajar dapat bersatu dan bekerjasama.

Pada masa yang sama, katanya, pelajar-pelajar bukan daripada kaum Cina dapat mempelajari adat istiadat kaum Cina melalui program ini.

"Ia juga dapat mengeratkan

hubungan antara kaum melalui program ini," katanya yang mewakili Naib Canselor UMS, Prof Datuk Dr. Mohd Harun Abdullah.

Sementara itu, Trevelyan berkata melalui program itu pelajar dapat menunjukkan kebolehan mereka untuk menjalankan sesuatu program.

Katanya, program ini dapat membina keyakinan pelajar dan mencapai kejayaan selain daripada pencapaian akademik.

Pada masa depan, pelajar lebih berinovatif, berkemahiran dan berfikir kreatif sebelum menjejakkan

kaki ke alam pekerjaan.

Trevelyan turut mengucapkan terima kasih kepada semua pihak termasuk penaja, orang perseorangan, jabatan dan agensi kerajaan, swasta dan badan bukan kerajaan (NGO) serta AJK Penganjur yang menjayakan Ang Pau Night 2014.

"Kehadiran dan sokongan semua pihak itu akan meningkatkan motivasi buat pelajar UMSKAL untuk mengadakan Ang Pau Night yang lebih meriah pada masa akan datang," katanya. -OLEH JAIN-UDIN DJIMIN